


ACTIVIDADES EDUCACIÓN PRIMARIA

AGORA

A CIDADE

4º



**SEMINARIOS RICARDO CARVALHO CALERO
LETRAS GALEGAS 2020**

RICARDO CARVALHO CALERO

4º EP

Ricardo Carvalho Calero naceu en Ferrol (A Coruña), o 30 de outubro de 1910. Era o fillo maior de M.^a Dolores e Gabriel Ricardo que tiveron cinco fillos máis.

Ricardo realizou os seus primeiros estudos nunha escola da rúa Magdalena e noutra escola dirixida polo escritor Manuel Comellas, as dúas de Ferrol. Fixo o bacharelato por libre e os estudos universitarios en Compostela.

Foi membro do Seminario de Estudos Galegos, onde coincidiu con Castelao, Otero Pedrayo, Risco, Cuevillas...

Colaborou en moitas revistas galegas: *A Nosa Terra*, *Nós*, *Guión*, *Galiza*, *Resol*, *Universitarios*, *Papel de Color*... e é autor de libros de investigación sobre a nosa literatura e o noso idioma.

En 1965 incorporouse ao Instituto Rosalía de Castro de Santiago e como profesor contratado á universidade compostelá, da que se converteu no seu primeiro catedrático de Lingüística e Literatura Galega.

Defendeu a postura de que a lingua galega é unha variedade da lingua portuguesa.

É autor de *Gramática elemental del gallego común* e de obras de teatro, poesía e novela.

Ingresou na Real Academia Galega (RAG) o 17 de maio de 1958 e o seu discurso tratou sobre Rosalía de Castro.

Pola súa defensa do idioma galego e da nosa cultura, a RAG dedícalle este ano o Día das Letras Galegas.



RICARDO CARVALHO



GRAMÁTICA ELEMENTAL DEL GALLEGO COMÚN. PUBLICADO EN 1966, VAÍ DIRIXIDA AO PROFESORADO E AO ALUMNADO DA SÚA FACULTADE.

ACTIVIDADES BIOGRAFÍA CARVALHO CALERO 4º ED. PRIMARIA

1.- Cal é a data de nacemento de Ricardo Carvalho Calero?

2.- En que cidade galega estudou o bacharelato?

3.- Cal é o nome do instituto compostelán no que foi profesor?

4.- En que data ingresou na Real Academia Galega?

5.- Risca as dúas oracións verdadeiras sobre a biografía do autor e escribe correctamente as dúas falsas.

Defendeu a postura de que a lingua galega é unha variedade da lingua portuguesa.

Traballou nun xornal galego.

Foi membro do Seminario de Traballos Galegos.

É autor de *Gramática Elemental del Gallego Común*.

■

■


6.- Ricardo Carvalho coincidiu con grandes personaxes da literatura galega. Atopa os seus nomes na sopa de letras.



CASTELAO
GUEVILLAS
RISCO
FRAGUAS
LOSADA
FILGUEIRA
OTERO
NOVAS

X	B	C	O	M	Z	V	L	F
C	A	S	T	E	L	A	O	I
U	C	V	E	M	F	Z	S	L
E	L	N	R	L	R	C	A	G
V	P	N	O	V	A	S	D	U
I	V	X	M	Z	G	B	A	E
L	R	C	L	P	U	T	N	I
L	X	B	Z	L	A	N	U	R
A	N	P	R	I	S	C	O	A
S	B	X	M	L	Z	C	X	V

7.- Pasou a maior parte da súa vida en Ferrol, pero logo comezou os estudos universitarios noutra cidade galega. Une as sílabas tónicas de cada palabra e descubre o nome desa cidade.




ACTIVIDADES 4º EDUCACIÓN PRIMARIA

AGORA

Verdadeiramente, a cidade medrou moito desde que a deixara. Hai novas barriadas, novas fábricas, novas igrexas. Hai tranvía e automóviles. O murallón estendeuse máis. Se quero ver o mar desde a súa orela, xa non podo dispor senón dun oco, un só peirao. Hai moitos cines. Xa non hai ingleses. Xa non hai capela evanxélica. Os días de festa xa non escintilan os deslumbrantes uniformes. Oficiais e soldados visten agora doutro xeito, máis sinxelo, máis esvaído. Choeuse o cemiterio vello, no alto da cidade. A nova necrópole está lonxe, e hai que tomar o autobús se se quere visitar, como non se dispoña de vehículo propio.

RICARDO CARVALHO GALERO



ACTIVIDADES 4º ED.PRIMARIA

AGORA

1.- Escribe preguntas relacionadas co texto para estas respostas.

1. _____

- A cidade.

2. _____

- O murallón.

3. _____

- En autobús.

4. _____

- Doutro xeito, máis sinxelo, máis esvaído.

2.- Na cidade que describe Ricardo Carvalho Calero podo moverme en tranvía ou en automóbil. De que outros medios de transporte dispós na túa localidade para poder desprazarte?

3.- Da relación de medios de transporte do texto, cales pensas que son menos contaminantes?
